

Plenchi

Bèl a bati

Nos tei nos tei. Ku zonido di tumba pa deleitabu. Tin un par di tumba ku ora bo tende nan bo ta hañabu ta move. Ta kon por keda para ketu. Ai no yu si bo no lanta riba plenchi balia, anto bo no tin sanger den bo kurpa. Plenchi di festival sènter tabata yen ku ambiente i goso. Hende tabata balia, gosa, hari i dibertí. Awèl kada grupo ku nan favoritu. Fanátiko na granèl.

Baila bo tumbanan dushi asina. Pabien na tur e tumberonan ku nan tumbanan. Na momentu ku nos ta skibi Plenchi ainda no tabatin e anochi final. Pero nos por dunabu un par ku a lanta públiko.

Janira Atanero Eisdén "Tur mi ta kue".

Loteria karnaval "45 den kabes, di Quincy Amasia.

Mi leli favoritu, mirami leli ta dòrna kaya, Albertico "Tico" Libiee.

Ata'wo Tarzan a bló, Tarzan ta zweif bin pa buta kambio den lugá, di Ishahier Monte.

Dibo Doran ku "hende riba hende", tur hende bònchá bo bin.

Danny Janga ku su "Un brasa un sunchi pa bo".

Raynor Lauffer, ku "te paden".

Djis un par ku ainda ta zona den nos kabes. Manera semper nos konseho ta, disfrutá i gosa na midí.

Not'é riba bòrchi

- Tuma nota di kambio di areglo di *VUT pa enseñansa*. Tur skol a hana e informashon. Puntra pe pa bo ta informá. Rk lo organisá e anochi di informashon pronto riba esaki.
- Tur trahadó den enseñansa mester skohe un dokter di kas i un botika pa nan seguro di BZV. Yená bo formulario paso pronto ta un dokter so bo por bishitá i traha resèpt na un solo botika. Puntra bo direktor informashon pa bo por kumpli ku bo parti.

Den agènda

Liber di skol

9 februari 2015 karnaval di mucha

16 febr t/m 20 febr. 2015 karnaval grandi

1 t/m 10 april 2015 Pasku di resurekshon

Riba roster



Ta un kos e hobennan aki a hasi den elekshon di prens ku pancho banda bou. Shurvan i Iverson a keda elegí meresidamente prens i pancho. Anto na st. Albertus College tabata reina un legria grandi ora e ganadonan a bira konosí. Paso nan ta bishitá st. Albertus College. Pabien na Shurivan i Iverson, pabien na nan mayornan. Pabien na tur personal, alumno i mayor di st. Albertus College ku e logro bunita aki.



Shurvan i Iverson duo mas disipliná tambe di e kompetensia na Banda Abou. Un bunita título ku ta duna honor tambe na e hóbennan, na nan mayornan i nan skol St. Albertus College.



St. Albertus College ya a kuminsá hinka e sabor di karnaval kaba riba nan plenchi di skol.

Mi ta konta

E kacho fiel.

Herman i Merle tabata felis mayor di nan yu homber resien nasí. Un dia, Herman a yega for di trabou, Merle a pidié pa wak e beibi un ratu, pa e por bai zumba.

Herman tabata wak televishon, ora su shèf a yame urgente pa e bin trese un dokumento p'e purá. Herman a pensa ku e por sali un ratu kore bai bin, ya komo e beibi tabata na soño. Nan tabatin un kacho tambe, Black eye, ku sigur por wak kurá bon pa evitá personá no desea drenta nan kas.

Herman a bai bin den mei ora. Ora el a yega el a mira e kacho kontentu ta bin kontré. Pero su boka i kurpa tabata tur na sanger. El a sinti un dolor den su kurason, mesora el a konkluí ku e kachó lo mester a mata e beibi. El a rabia asina tantu, ku el a kue un palu bati Black eye formal. Bati'é te ora el a muri di e slanan. El a kue e kacho pa bai deré. Ora e tabata pafó el a tende su beibi ta yora. Mesora tambe el a mira un hòmber ku pia tur na sanger ta lastra sali for di kurá patras. El a kore bai wak bèk paden i a haña e beibi den su kama. El a keda di shòk, paso el a komprondé ku el a kometé un gran eror. Black eye a purba defendé nan yu, anto el a husga sin averigua promé e tuma akshon. Nunka mas e por drai bèk loke el a hasi. Pa restu di su bida el a keda biba ku e dolor aki riba su konsenshi.

Mucha djispou

Riki ta pidi su mama pa e bai hunga serka Tony un ratu.

Mama: ‘No Riki, ta lat kaba, awe no por mas’

Wela: “Ai mi yu, lague bai hunga maske ta mei ora mas no?”

Mama: “No, e mester siña tende di su mama.”

Riki: “Dikon mama si no ta tende di mama su mama anto?”